


三因極一病證方論

十三之五

漢書門
一二五〇三
一六三
二九
六
冊架函號類

內閣文庫
漢書
一二五〇三
一六三
二九
六
冊架函號類

內閣文庫	
番號漢	12503
冊數	6 (5)
函號	300 210



三因極一病證方論卷之十三

痰飲叙論

人之有痰飲病者由榮衛不清氣血敗濁凝結而成也內則七情汨亂藏氣不行鬱而生涎涎結為飲為痰所因外有六淫侵冒玄府不通滯汗不泄蓄而為飲為外所因或飲食過傷嗜慾無度吐呼疲極運動失宜津液不行聚為痰飲屬不內外因三因所成證狀非一或為喘或為咳為嘔為泄暈眩嘈煩忪悸憤懣寒熱疼痛腫滿攣癖癰閉痞隔如風如癩未有不

由痰飲之所致也

痰飲證論

古方唯分四飲六證不說三因不知其因病源無自
觀夫治飲之法既用大小青龍桂枝防已五苓承氣
得非外因參苓苓朮八味參蘇得非內因十棗葶藶
大小半夏控涎破飲不內外因理固明矣以此推求
頗得倫類今叙列諸證以為治門須原本因施用湯
藥學者自宜詳審所謂四飲者即懸飲溢飲支飲痰
飲是也懸飲者飲水流在脇下咳唾引痛溢飲者飲
水流於四肢當汗出而不汗自體疼重支飲者咳逆
倚息短氣不得卧其形如腫痰飲者其人素盛今瘦

腸間漉漉有聲又有留飲者背寒如手大或短氣而
渴四肢歷節疼脇下痛引缺盆欬嗽則轉甚又有伏
飲者膈滿喘咳嘔吐發則寒熱腰背痛汗淚出其人
振振惡寒身暈楊故曰四飲生六證或云五飲者即
留飲伏飲合為一證是也其脉皆弦微沉滑治之之
法懸飲當下之溢飲當發其汗支飲則隨證汗下痰
飲則用溫藥從小便去之其間或隨氣上厥伏留陽
經使人嘔吐眩暈背寒或一臂不隨有類風狀不可
不知

痰飲治法

十棗湯治懸飲咳唾引脇下痛又治支飲咳煩胸中痛至百白一歲其脉弦者

芫花微炒 甘遂 大戟炒

右等分爲末水壹盞半棗十個煎至八分去棗調藥壯人一錢羸人半錢平且温服不下者次日更加半錢下後糜粥自養若已下不可與之

大青龍湯治溢飲自體疼重汗不出拘急痛

麻黃去節湯 桂心 甘草炙各錢半 石膏雞子大 杏仁肆拾个炒

右爲剉散每服肆大錢水壹盞半薑伍片棗貳枚

煎柒分去滓空腹服温覆一服汗者勿再服復服汗出多亡陽虛逆惡風煩躁不得眠也

小青龍湯治溢飲支飲倚息不得卧及喘滿者

麻黃湯去節 芍藥 細辛 桂心 乾薑炮 甘草炙各參錢參字 五味子貳錢 半夏湯洗漆次參錢

右爲剉散每服肆大錢水壹盞半煎柒分去滓空腹服渴者去半夏加括樓根參錢參字微利去麻黃加芫花壹雞子大炒入噎者去麻黃加附子壹枚炮 小便不利者去麻黃加茯苓半兩喘者去麻黃加杏仁三錢三字效而上氣肺脹其脉浮心下

有水氣者胸中痛引缺盆加石膏二錢半研

防已桂枝湯治膈間支飲其人喘滿心下痞堅面色
黧黑其脉沉緊得之數十日醫吐下之不愈

漢防已 三兩 桂心 二兩 人參 四兩 石膏 六兩

右四味為剉散每服四大錢水壹盞半煮柒分去
滓温服虛者即愈實者三日後發再服不愈宜去
石膏加茯苓肆兩芒消壹兩半微利則愈

小承氣湯治支飲胸滿

厚朴 肆兩 大黃 二兩 枳實 一兩 麩 炒去穢

右為剉散每服肆大錢水壹觥半煎柒分去滓不

以時加減

茯苓五味子湯治支飲手足冷多唾口燥氣從小腹

上衝胸咽手足痺面熱翕然如醉因復下流陰股

小便難時復眩肩嘔腫

茯苓 四兩 桂心 二兩 甘草 各 三兩 五味子 二兩

右為剉散每服肆大錢水一盞半煎柒分去滓空

腹服之衝氣即低反更咳滿者去桂加乾薑細

辛各三兩咳滿止而復渴衝氣更發者以細辛乾

薑為熱藥此法不當遂渴反止者為支飲也支飲

法當胃胃者必嘔嘔者復加半夏二兩半以去其

飲飲夫嘔則止其人形腫與痺加杏仁二兩半若
面赤如醉以胃中熱上熏加大黃三兩須詳證加
減

大半夏湯治膈間有飲卒嘔吐心下痞眩悸

半夏伍兩 茯苓三兩

右為剉散每服肆大錢水二盞薑棗片煎七分去

滓溫服

小半夏湯治支飲嘔吐不渴

半夏湯洗棗次

右為剉散每服四大錢水或盞薑薑拾片煎七分去

滓溫服

葶藶大棗瀉肺湯治支飲不得息方見肺癰門

五苓散治瘦人臍下有悸者挾涎沫而癩眩者飲也

方見傷暑門

茯苓湯治心氣不行鬱而生涎胸脇支滿目眩以胸

中有痰飲也

茯苓肆兩 桂心 白朮各三兩 甘草炙二兩

右為剉散每服肆大錢水一盞半煎棗分去滓空

腹服小便利則愈

參苓飲治胸中停痰宿水自吐出痰後心胸間虛氣

滿不能食

茯苓 人參 白朮 枳實 橘皮

右為剉散每服四大錢水二盞薑三片煎七分去

滓空腹温服

八味圓治失志腎虛鬱而生涎短氣喘噎當從小便

去之中有茯苓故方見消渴

參蘇飲治痰飲停積胸中中腕閉嘔吐痰涎眩暈嘈

煩松悸噦逆及痰氣中入停留關節手脚轉曳口

眼喎邪半身不遂食已即嘔頭疼發熱狀如傷寒

前胡 人參 紫蘇葉 茯苓 桔槓

木香 半夏 陳皮 枳殼 甘草

右為剉散每服四錢水一盞半薑柒片棗一枚煎

至柒分去滓空腹服噦者加乾葛腹痛加芍藥

破飲圓治五飲停蓄胸腹結為癥癖支滿胸脇傍攻

兩脇搶心疼痛飲食不下翻胃吐逆九種心痛積

年宿食不消久瘧久痢道戶痒忤癩癩厥暈心氣

不足憂愁思慮婦人諸疾但是腹中諸病悉能治

療久服不傷臟氣

葶撥 丁香 胡椒 縮砂仁 烏梅肉

青皮 巴豆 木香 蝎梢 等分

右以青皮同巴豆漿水浸一宿次日鹿出同炒橘
皮焦去巴豆將所浸水淹烏梅肉炊一熟飯細研
為膏丸如菉豆大每服五七圓臨臥薑湯下津液
下尤佳

控涎丹凡人忽患胸背手脚頸項腰痛不可忍連筋
骨牽引釣痛坐臥不寧時時走易不定俗醫不曉
謂之走注便用風藥及針灸皆無益又疑是風毒
結聚欲為癰疽亂以藥貼亦非也此乃是痰涎復
在心膈上下變為此疾或令人頭痛不可舉或神
意昏昏倦多睡或飲食無味痰唾稠粘夜間喉中如

鋸聲多流涎手脚重腿冷痺氣脉不通誤認為
癰瘰亦非也凡有此疾但以是藥不過數服其疾
如失

甘遂 去心 紫大戟 去皮 白芥子 真者各等分

右為末煮糊丸如梧子大曬乾食後臨臥淡姜湯
或熱水下五七丸至十丸如疾猛氣實加丸數不
妨其效如神

強中丸治胃脘虛寒冷痰留滯痞塞不通氣不升降

口苦無味不思飲食
高良姜 乾姜 炮 陳皮 青皮 各一兩

半夏湯洗去滑二兩一法上件並不持擇

右為末用生薑自然汗煮麩糊為丸如梧子大每服二十丸至三十丸生薑湯下丸中滿氣痞服之甚妙

九例

前證用藥多出漢方但古科劑與今不同已詳酌改從今用其如校定備見前說唯外所因證候誰明風燥寒凝暑燥濕滯皆能閉諸絡鬱而生涎不待飲水流入四肢而致支溢疼痛也當以理推無膠靴轍

喘脉證治

夫五臟皆有上氣喘咳但肺為五臟華蓋百脉取氣於肺喘既動氣故以肺為主病者右手寸口氣口以前脉陰實者手太陰經肺實也肺必脹上氣喘逆咽中塞如與嘔狀自汗皆肺實證若氣口以前脉虛者必咽乾無津少氣不足以息此乃肺虛氣乏也

杏參散治上氣喘滿倚息不能卧

杏仁並麩炒桑白皮蜜炙三度白海浸去皮尖宿控乾各一兩

為細末每服二錢水一盞姜三片棗一箇煎七分不以時

神祕散定喘補心腎下氣

白心麻三...

阿膠一分 雞胫胫兩半 白仙茹兩半 澤浸
團參一分

右為末每服二錢糯米飲調空腹服

真應散 治遠年喘急不能眠卧百藥無效皆

白石英四兩 通明者以生絹袋盛用雄猪肚一箇
箇如前法煮三煮
了取茶出控乾研

右為末以官局款冬花散二錢入茶米二錢更桑

白皮二寸生姜三片棗子一箇水一盞半煎至七

分通口服猪亦可喫只不得用醬醋鹽椒姜等調

和上

麥門冬湯 治大逆上氣喘急咽喉不利止逆下氣

麥門冬去心一兩一錢 半夏湯洗六錢一字 人參一分 甘草一分

粳米二錢

右為散每服四大錢水二盞棗二箇煎六分去

滓空心服

清肺湯 治上氣脉浮效逆喉中如雞聲喘息不通呼

吸欲絕

紫苑茸 杏仁去皮尖 訶子煨去核 漢防己一兩

右為散每服四錢水一盞半雞子白皮一片煎

七分去滓食後服

神祕湯治上氣不得卧

橘皮 桔梗 紫蘇 人參 五味子各等分
右為剉散每服四錢水一盞煎六分去滓食後

皺肺圓

貝母炒 知母 秦朮 阿膠炒 款冬花
紫苑茸 百部去心 糯米炒各一兩 杏仁去皮尖別研四兩
右為末將羊肺一箇先以水灌洗看密得水多少即
以許水更添些煮杏仁令沸瀝過灌入肺中繫
定以糯米泔煮熟研細成膏搜和煎茶末并數千
下圓如梧桐子大每服伍拾圓食前桑白皮湯下

理氣圓治氣不足動便喘噎遠行久立 皆不在汗

出鼻乾心下急痛苦悲傷臥不安

杏仁去皮尖麩炒別研 桂枝去皮各兩 益智去皮 乾薑炮各二盛

右為末蜜圓如梧桐子大以鍾乳粉為衣每服三
拾圓空腹米湯下

黑錫丹

方見眩暈門

白散子

方見中風門
二藥皆可用

肺痿肺癰叙論

肺為五臟華蓋百脉取氣運動血脉衛養臟腑灌注
皮毛將理失且氣與血亂則成肺痿肺癰矣然五臟

皆有痿癰而獨論此者以肺屬金數盡于陽九位最高而為五臟長多致此病故獨論此餘如內癰及五痿訖又此病多生喘咳故列于痰飲喘咳云

肺痿證治

病者寸口脉數而虛按之濡身冷內煩多唾唇燥小便反難大便如爛瓜脉腫狀欲咳不咳咳出乾沫唾中出血心中溫溫液液上氣喘滿或燥而渴者多因發汗利小便或嘔吐消渴數投酸棗重亡津液致熱在上焦故成肺痿

甘草乾薑湯治肺痿多涎唾小便數肺中冷必眩不

渴不咳必遺溺所以然者上虛不能制下也

甘草 炙四兩 乾薑 二兩炮

右為剉散每服肆錢水一盞半棗三箇煎棗分去滓溫服不拘時候

人參甘草湯治肺痿咳唾涎沫不止咽燥而渴

人參 一兩 甘草 炙一兩三錢

右為剉散每服四錢水一盞半薑伍片棗三箇煎棗分去滓溫服

溫液湯治肺痿涎唾多出血心中溫溫液液

甘草 炙

右為劉散每服四錢水一盞半煎藥分去滓溫服

肺癰證治

病者寸口脉數而實按之滑咳唾膿血口中辟辟燥
胃中隱隱痛口乾喘滿咽燥不渴咳唾濁沫腥臭時
時振寒熱之所過血為凝滯蓄結癰膿吐如米粥故
為肺癰始萌可救膿成則難治
葶藶大棗瀉肺湯治肺癰胃滿脹一身糸面自浮腫
鼻塞清涕出不聞香臭酸辛咳逆上氣喘鳴迫塞
葶藶似令黃研細丸如彈子大
右一味用水三盞煮棗十枚至一盞去棗入茶煎

至七分食後服金匱令先投小青龍湯二服乃進
此茶

小青龍湯方見痰飲門

如聖湯治欬而胃滿振寒脉數滑咽乾不渴時出濁
唾腥臭久久吐膿若粥者為肺癰

桔梗一兩 甘草炙二兩

右為劉散每服四錢水一盞煎藥分去滓不以時
服兼治喉痺咽痛

葶藶湯治肺癰

薏苡仁 瓜瓣仁 桃仁去皮尖

右為劉散每服四大錢水二盞先以葦葉一握煎取三盞去滓入棗煎陸分食後服或吐膿血勿怪

腰痛叙論

夫腰痛雖屬腎虛亦涉三因所致在外則臟腑經絡受邪在內則憂思恐怒以至房勞墮墮皆能致之方書五種之說未為詳論但去聖逾遠文籍簡脫難以討論雖是缺文不可棄置隨其有無提其綱目庶幾後學以類推尋為治療之典據耳

外因腰痛論

太陽腰痛引項脊尻骨如重狀陽明腰痛不可以顧

顧則如有所見善悲少陽腰痛如針刺其皮循循然不可俛仰不可以顧太陰腰痛煩熱腰下如有橫木居其中甚則遺洩少陰腰痛引脊內厥陰腰痛腰中強急如張弩弦狀此學六經以為外因治備大抵太陽少陰多中寒少陽厥陰多中風熱太陰陽明多燥濕以類推之當隨脈別其如經中有解脈散脈同陰會陰陽維衡絡直陽飛陽肉里尻交等穴皆不出六經流注但別行各有所主不欲繁引請尋內經刺腰痛論以備明之准此從所因汗下施治

內因腰痛論

失志傷腎鬱怒傷肝憂思傷脾皆致腰痛者以肝腎同系脾胃表裏脾滯胃閉最致腰痛其證虛羸不足面自黧黑遠行久立力不能盡失志所為也腹急脇脹目視眈眈所祈不得意淫於外宗筋弛縱及為白淫鬱怒所為也肌肉濡漬痺而不仁飲食不化腸胃脹滿閉墜腰脇憂思所為也准此從內所因調理施治

不內外因腰痛論

腎著腰痛腰冷如水身重不渴小便自利食飲如故腰以下冷重如帶五千錢因作勞汗出衣裏冷濕久久之暨公對反腰痛者偃僂腫重引季脇痛因於墜

墮惡血流滯及房勞疲力耗竭精氣致腰疼痛准此從不內外因補瀉施治

獨活寄生湯

夫腰痛皆由腎氣虛弱且冷濕地當風

所得不時速治喜流入脚膝為偏枯冷痺緩弱疼

重或腰痛攣脚重痺宜急服此

獨活 三兩

桑寄生

古今錄驗用續斷即寄生亦名非正續斷也

杜仲製炒

細辛 去苗

牛膝

酒浸

秦朮 去土

茯苓

白芍藥

桂心

不見火

芎藭

防風

去蘆

甘草 炙

人參

熟地黄

當歸

各二兩

右為剉散每服四大錢七水二盞煎七分去滓空

腹脹氣虛下利除地黄并治新產腹痛不得轉動
及腰脚癱痛痺弱不得屈伸此湯最除風消血肘
後有附子一枚無寄生人參芍草當歸近人將治
歷節風并脚氣流注甚效

小續命湯治風腰痛最妙方見中風門加桃仁破去皮尖

牛膝酒唐均州刺史王紹顏傳信友云頃年予在

姑蘇得腰痛不可忍醫以腎傷風毒攻刺此方即

製一劑服之便減五分步履漸輕

牛膝 川芎 羌活 地骨皮 五加皮

薏苡仁各二兩 甘草 生地黃十兩 海桐皮二兩

右為剉散帛裹入無灰酒二斗浸冬二漆自夏月
分數服旋浸三五宿每服一盃日三四盃長
氣不絕為佳一法入杜仲一兩炒絲斷入

杜仲酒風冷傷腎腰痛不能屈伸并補腎虛

杜仲一片切姜汁製炒去絲斷

右用無灰酒三升浸拾日每服二三合日四五服

一方為末温酒調一錢空心服

腎著湯治腎虛傷濕停著為病身重腰冷如水洗狀

不渴小便自利食飲如故腰以下冷痛重如帶在千金

乾薑炮 茯苓各四兩 一法茯苓白朮各二兩 甘草炙 白朮各二兩

右為劉散每服四大錢水一盞半煎漆分空腹冷
服又治體虛自汗甚效

鹿角圓治腎虛傷冷冷氣入腎其痛如掣

鹿角屑一兩酥灸方附子炮二兩桂心三分

右為末酒糊圓如梧子大塩酒下三伍拾圓空心服

安腎圓治腎虛腰痛陽事不舉膝骨痛耳鳴口乾面

色驚黑耳輪焦枯

補骨脂炒葫蘆巴炒茴香炒川練炒各

桃仁燻炒去皮尖別研杏仁法如上山山菜切炒茯苓各二兩

右為末蜜圓如梧子大塩湯伍拾圓空心服

青娥圓治肝腎虛腰腿重痛并治風濕脚氣常服壯

筋補虛填精益髓

杜仲炒一斤生薑炒十兩破故紙炒一斤

右為末用胡桃肉一百二十箇湯浸去皮研成膏

入少熟蜜圓如梧子大每服伍十圓塩酒塩湯任

下食前服

神應圓治腎經不足風冷乘之腰痛如折或引背脊

俛仰不利轉側亦難或役用過度勞傷於腎或寢

卧冷濕地氣傷腰或墜墮傷損並宜服之

歲靈仙去土

桂心

當歸各一兩

右為末以酒煮糊圓如梧子大每服三五十圓煎
茴香湯或炒茴香酒下食前服婦人煎桂心湯下
有孕婦人不得服一方添破故紙桃仁地膚子等
分

立安圓治五腫腰痛常服補腎強腰脚治脚氣

破故紙生

續斷

木瓜乾

牛膝

酒浸

杜仲

去皮剉薑製炒

草薺二兩

右為末蜜圓如梧子大每服五十圓塩湯塩酒任
下

五積散治感寒濕與脾胃氣蔽腰痛最效

方見傷寒
太陰經加

桃仁

熟大黃湯治墜墮閃肭腰痛不能屈伸

大黃

切如

生薑

各半兩切

右同炒令焦黃以水一大盞浸一宿五更去滓頓
服天明所下如雞肝者即惡物出

橘酒治打撲腰痛惡血蓄瘀痛不可忍

橘子

炒去皮

右一味研細每服二錢匕酒調服未知再作或用
猪腰子一隻去筋膜破開入茶同葱白茴香塩濕

紙裹煨熟細嚼温酒下

桃仁酒治腎虛風勞所傷毒腫掣痛牽引小腹連腰

痛

桃仁皮尖 麩砂去

右一味研細每服抄四錢七熱酒調下即汗愈

虛損證治

難經論損從皮毛至于筋骨者此乃辨氣脉淺深次第也原其所因屬不外或大病未復便合陰陽或疲極筋力飢飽失節盡神度量叫呼走氣所以諸證蜂起百病交作吐血衄血便血瀉血遺泄白濁冷滑

洞瀉白汗黃汗嘔吐咯噎涎沫痰飲遂使榮衛走衄虛羸損傷皆自此始蓋由背於人身常理而致然也况婦人產後過於大病虛損尤多不可不知列而論之證狀非一姑舉數條以為治備要當攷尋脉理推其元氣胃氣資始資成扶助陰陽辨別標本蓋不可隨證冷熱妄行施治要論曰粗工嘻嘻以為可之言熱味已寒病復如同證異形迷氣亂經學者謹之精思有靈

正元散大治元氣虛臍腹脹滿心脇刺痛洩利嘔吐自汗陽氣漸微手足厥逆及傷寒陰證霍亂轉筋

久下冷利少氣羸困一切虛寒見自汗門

麝香鹿茸圓治精氣耗散血少不增陽道不興服此

調榮衛利腰脚補精血主諸虛百病

鹿茸酥炙一兩半熟地黄二兩沉香三分麝香一兩別研

右為末入麝香研勻蜜丸梧子大空心温酒塩湯

任下二十九

大山芋圓治諸虛百損五勞七傷肢體沉重骨節酸

疼心中煩悸唇口乾燥面體少色情思不樂咳嗽

喘乏傷血傷氣夜多異夢盜汗失精腰背強痛臍

腹弦急嗜卧少起善驚多忘飲食減少肌肉瘦瘠

又治風虛頭目眩暈心神不寧及病後氣不復常
漸成勞損久服補不足愈風氣百病

山芋七兩半當歸桂心神麴炒

熟地黄各二兩半甘草神麴

川芎白朮麥門冬去心

杏仁各一兩半柴胡白茯苓桔梗各一兩

阿膠各一兩半乾姜炮三分白欬半兩防風去叉一兩半

棗一百箇炊去皮核

右為末蜜丸與棗肉同和丸如彈子大每服一丸

温酒米湯任噉下加琥珀一兩遠志去心炒二兩

茯苓二兩半即是養心丹虛勞遺泄白濁加龍骨二兩

羊肉圓治真陽耗竭下元傷憊耳輪焦枯面色黧黑

腰重脚弱陽事不興常服壯元陽補真氣益精駐

顏

補骨脂炒 葫蘆巴炒 茴香炒 川練炒 續斷

附子炮去皮臍 茯苓各三兩 桃仁 燻炒去皮 尖別研 杏仁同上法炒

山茶 炒各二兩

右為末精羊肉四兩酒煮研細入麩煑糊丸如梧子大塩湯温酒空心任下三五十九

大補圓治元臟虛憊血氣不足白濁遺泄自汗自利

口苦舌乾四肢羸瘦婦人諸虛皆主之

木香炮 附子炮去皮臍 茴香炒 菴蓉酒湯

川椒炒去汁各十兩 桃仁炒去皮尖 葫蘆巴

牛膝酒浸 巴戟去心 五味子 黃耆

白茯苓剉去刺 澤瀉各五兩 羌活

檳榔 天麻 川芎 桂心各二兩

右為末蜜丸梧子大塩湯酒空腹任下三五十九

兔絲子圓治腎氣虛損五勞七傷小腹拍急四肢酸

疼面色黧黑唇口乾燥目暗耳鳴心忪氣短夜夢

驚恐精神困倦喜怒無常悲愛不樂飲食無味舉
動乏力心腹脹滿腰膝緩弱小便滑數房室不舉
股內濕痒水道澀痛小便出血時有遺瀝

兔絲子酒浸桂心焙鹿茸去毛切附子炮去皮臍澤瀉

石龍芮去土各一兩杜仲去皮切姜汁製炒絲斷茯苓熟地黄

巴戟去心山茱萸華澄茄沉香苗香炒

補骨脂石斛牛膝酒浸續斷川芎

五味子覆盆子桑螵蛸酒浸炒各半兩

右為末酒糊丸如梧子大每服三十丸温酒塩湯

任下脚膝無力木瓜湯下淋閉木通湯下

妙應丸治脾元氣弱久積陰冷心腹滿痛面色青黃

肌體瘦弱怠惰嗜卧食少多傷噫氣吞酸噦逆惡

心腹中虛鳴大便泄利胃隔痞塞食飲不下霍亂

嘔吐肌冷轉筋及五膈五噎久痛久痢方見癥瘕門

增損藥令湯治諸虛不足小腹急痛脇肋膜脹臍下

虛滿胃中煩悸面色痿黃唇乾口燥手足逆冷身

常自汗腰背強急骨肉酸疼咳嗽喘乏不能飲食

或因勞傷過度或因病後不復黃芪

黃芪人參橘皮當歸

桂心細辛前胡甘草炙

茯苓 麥門冬去心 芍藥各二兩 附子炮去皮臍

熟地黄各一兩 半夏湯洗二兩半 遠志三分去心

右為剉散每服四錢水一盞半姜五片棗二箇煎七分去滓食前服腹滿食少去棗下焦虛冷不甚渴小便數者倍入參當歸附子煩渴引飲加栝樓根遺泄白濁加龍骨白欬小腹急引心痛者加乾姜

養榮湯治積勞虛損四肢沉滯骨肉酸疼吸吸少氣行動喘噉小便拘急腰背強痛心虛驚悸咽乾唇燥飲食无味陰陽衰弱悲憂慘戚多卧少起久者

積年急者百日漸至瘦削五臟氣竭難可振復又

治肺與大腸俱虛欬下利喘乏少氣嘔吐痰涎

黃芪 當歸 桂心 甘草

橘皮 白朮 人參各一兩 白芍藥三兩

熟地黄 五味子 茯苓各三分 遠志去心炒半兩

右為剉散每服四大錢水一盞半姜三片棗二箇煎至七分去滓空腹服便精遺泄加龍骨一兩咳嗽加阿膠甚妙

補丸 治真氣虛損下焦傷竭臍腹強急腰脚疼痛

亡血盜汗遺泄白濁大便自利小便滑數或三消

渴疾飲食倍常肌肉消瘦陽事不舉顏色枯槁久服補五臟行榮衛益精髓進飲食

附子炮去皮臍 乾姜炮 桂心 鬼絲子酒浸軟別研

厚朴去皮炒姜製 巴戟去心 遠志去心姜汁浸炒 破故紙炒

赤石脂煨各一兩 川椒炒出口才去子并合口者二兩

右為末酒糊丸梧子大溫酒塩湯任下

遠志丸 治心腎氣不足驚悸健忘夢寐不安遺精而

少色足脛酸疼

遠志去心炒 山茱炒 熟地黄 天門冬去心

龍齒水雞各六兩 麥門冬去心 五味子 車前子炒

白茯苓 茯神去木 地骨皮 桂心各五兩

右為末蜜丸梧子大每服三十九至五十九空心服温酒米湯任下

張走馬家秘真丹 治房室過度或用意思唯精洩自

出腰背酸弱不能屈伸食不生肌兩脚痠痛不能

步履

草烏頭或用川烏 牡蛎粉炒烏頭一兩令裂去皮臍牡蛎不用 五倍子半兩

右為末糯米糊丸如梧子大空腹塩湯下三五十

圓

蓮子丹 治真氣虛憊口苦舌乾心常慘戚夜多異夢

書少精神或夢見交通遺泄白濁小便餘瀝陽事
不舉目暗耳鳴

新蓮肉四兩去心皮 白龍骨一兩醋煮 甘草一分

右為末車前草汁入麵少許煮麵糊丸如菘豆大
每服三五十九塩湯酒任下

家韭子丸 方證見遺尿門

威喜丸 治精氣不固餘瀝常流小便白濁夢中頻泄

及婦人血海久冷白帶白漏白淫身常濕小便如
米泔或无子息

白茯苓四兩 木猪苓一分去皮煮茯苓數十沸 黃蟻四兩

右只以茯苓一味為末鎔黃蟻為丸彈子大空心

細嚼令口生津徐嚥兼治兩耳虛鳴口乾

鎖陽丹 治脫精洩不禁

桑螵蛸三兩瓦上焙燥 龍骨一兩別研 白茯苓

右為末麵糊為丸梧子大每服七十丸煎茯苓塩

湯下食前服一方用茯苓猪苓木饅頭和皮子

切各等分為末又方用破故紙青塩槌碎等分

同炒香為末並每服二錢米飲調下

十四友丸 補心腎虛怔忡昏憤神志不寧睡卧不安

故經曰臟有所傷情有所倚人不能懸其病則卧

不安

當歸洗

熟地黄洗

白茯苓去木

人參

黃芪

阿膠蛤粉炒

酸棗仁炒

栝子仁別研

紫石英同上

遠志湯浸洗去心酒酒蒸炒乾

肉桂各二兩

辰砂一分別研

龍齒二兩別研

右為末別研五味蜜丸如梧子大每服三十丸食

後棗湯下

宣和賜著絲丸治少年色慾過度精血耗竭心腎氣

憊遺泄白濁腰背疼痛面色黧黑耳聾目昏口乾

脚弱消渴便利夢與鬼交庶事不舉

當歸酒浸焙乾半斤

兔絲子酒浸去土乘濕研破焙乾秤一斤

薏苡仁

茯神去木

石蓮肉去皮

鹿角霜

熟地黄各四兩

右為末用著二斤錐碎水六升浸一宿次早按洗

味淡去滓於銀石器中熬汁成膏搜和得所搗數

千杵丸如梧子大每服五十丸加至百丸米湯溫

酒任下空心食前服常服守中安神禁固精血益

氣駐顏延年不老

參香散治心氣不寧諸虛百損肢體沉重情思不樂

夜多異夢盜汗失精恐怖煩悸喜怒無時口乾咽

燥渴欲飲水飲食減少飢肉瘦瘁漸成勞瘵常服

補精血調心氣進飲食安神守中功效不可盡述

人參 黃芪 白茯苓 白朮

山藥 蓮肉去心各一兩 縮砂仁 烏藥

橘紅 乾姜炮各半兩 甘草炙三分 南木香

丁香 沉香二分

右為鹿末每服四錢水一大盞姜三片棗子一箇

煎七分去滓食前服一法有炮熟附子半兩

三因極一病證方論卷之十三終

三因極一病證方論卷之十四

水腫叙

夫腎主元氣天一之水生焉肺主沖化地四之金屬焉元氣乃水中之火所以太陽合少陰主精髓以滋血沖化乃土中之金所以太陰合陽明主肌肉以養氣今腎虛則火虧致陽水凝滯肺滿則土溢使陽金沉澹則氣閉凝滯則血薄經絡不通上為喘急下為腫滿故經曰腎為少陰肺為太陰其本在腎其末在肺皆至陰以積水也所以能聚水而生病者蓋由腎為胃關關鍵不利樞機不轉水乃不行滲透經絡皮

膚浮腫諸證不同廣如經說治法曰平治權衡者察
脉之浮沉也去滯陳莖者疎滌腸胃也開鬼門潔淨
府者發汗利小便也原其所因則昇風寒暑濕屬外
喜怒憂思屬內飲食勞逸背於常經屬不內外皆致
此疾治之當究其所因及諸禁忌而為治也

水腫證治脉例

古方十種證候以短氣不得卧為心水兩脇疼痛為
肝水大便鴨溏為肺水四肢苦重為脾水腰痛足冷
為腎水口苦咽乾為膽水下虛下實為大腸水腹急
肢瘦為膀胱水小便秘澀為胃水小腹急滿為小腸

水各隨其經絡分其內外審其脉證而甄別之然此
十水謂之正水外有風水皮水石水黃汗以義攷之
風合歸肝皮合歸肺黃汗歸脾石合歸腎雖各理不
踰柰證候少異古方備列不可不辨但風水脉浮必
惡風皮水亦浮按不沒指石水脉浮不惡風皮水亦
浮按不沒指石水脉沉腹滿不喘黃汗脉沉遲發熱
多涎久而不愈必致癰膿正水寸口脉浮而遲浮則
熱遲則潛熱潛相搏名曰沉跌陽脉浮而數浮則熱
數則止止熱相搏名曰伏沉伏相搏名曰水沉則絡
脉虛伏則小便難虛難相搏水走皮膚即為正水此

金匱節文所以用寸口跌陽二脈者蓋水氣不在一
 經也夫抵浮脈帶數即是虛寒潛止於其間又必沉
 伏沉伏則陽虛陰實為水必矣要知水脈必沉論曰
 脈出者死與病不相應也諸唇黑則傷肝缺盆平則
 傷心臍出則傷脾足平則傷腎皆平則傷肺凡此五
 傷必不可療也治法曰腰以上腫宜發汗腰以下腫
 宜利小便學者當知之
 復元丹治水腫夫心腎真火能生脾肺真土今真火
 氣虧不能滋養真土故土不制水水液妄行三焦
 不寫氣脈閉塞樞機不通喘息奔急水氣盈溢滲

透經絡皮膚溢滿足脛尤甚兩白下腫腿股間冷
 口苦舌乾心腹堅脹不得正偃偃則咳嗽小便不
 通夢中虛驚不能安卧
 附子炮貳兩 南木香煨 茴香炒 川椒炒去汗 獨活
 厚朴去皮剉姜製炒 大白木畧炒 陳橘皮 吳茱萸炒
 桂心各壹兩 澤瀉壹兩 肉豆蔻煨 檳榔各半兩
 右壹拾參味為末糊圓梧子大每服伍拾圓紫蘇
 湯下不以時此藥世傳屢驗未嘗示人其間君臣
 佐使與造物同妙服者自知要當屏去諸藥一日
 三服先次旋利如傾次乃腫消喘止蓋藥能助真

火以養真土運動樞機安平必矣法當禁慾並絕
鹹半年乃不再作

當歸散治如前

當歸洗 木香煨 赤茯苓 桂心 檳榔

赤芍藥 牡丹皮 陳皮 木通 白木各剉焙

右為末脚膝頭面腫大小便不快每服貳錢水壹

盞紫蘇貳葉淡木瓜壹片如指大同煎八分温服

日參如已愈常服早晚貳覺氣下或小便快是效

藏寒去檳榔臍已凸添大腹皮木猪苓各一兩忌

烏雞肉鹹酸海味物

正陽丹治水腫

宣木瓜乾四兩濕者一個剉童子小人參 一兩

大豆黃去皮 附子炮半兩 銀朱 二分

右為末入銀朱研勻以木瓜膏丸如梧子大每服

五十丸米湯下

消腫丸治水腫喘滿小便不利

滑石 木通 白木 黑牽牛炒

通脫木 茯苓 茯神木 半夏湯去滑

陳皮各一分 木香半分 瞿麥穗 丁香各半

右為末酒糊丸如梧子大每服三十丸燈心麥門冬

湯溫服

消腫散 治水氣浮腫喘呼不得睡煩熱躁擾渴燥大

小便不利

大黃 蜜蒸 山梔 炒 甘草 炙

橘皮 麻黃 湯去節 馬牙硝

右為細末蜜湯調下二錢

棗仁散 治水氣浮腫無問久新老少悉可服唯禁鹽

必效

棗仁 赤茯苓 桂心 各等分

右為末每服二錢米飲調下

禹餘糧丸 治斗腫水氣丸脚膝腫上氣喘滿小便不

利但是水氣悉皆主之

蛇黃 大者三兩以新鐵銚盛入一秤炭火中燒蛇

黃入 醞醋二升中候冷取 禹餘糧 三兩用真針沙

出研極細則止即含石 禹餘糧 五兩先以水淘

淨控乾更以銚子炒乾入禹餘糧一處用米醋二

升就銚內煮醋乾為度却用銚并藥入一秤炭火

中燒通赤傾藥淨磚地 以三物為主其次量入虛

實入下項藥 治水多是取轉准此方三物炆兆大

故虛老人可服 木香 茯苓 川芎 蓬朮 炮

羌活 白豆蔻 炮 土茴香 炒 蓬朮 炮

牛膝 酒 白豆蔻 炮 土茴香 炒 蓬朮 炮

桂心

乾姜 炮

青皮

去穢

京三稜

炮

白茯苓

附子 炮

當歸

酒浸一宿各半兩虛人若全用半兩實壯人減之

右為細末，拌極勻，以湯浸蒸餅，揆去水，和藥，再擣極勻。丸如梧子，大食前溫酒白湯下。三十丸至五十丸。唯忌鹽，雖毫末許不得入口。若無以為味，即水病去後，且以醋少許調和，食不能忌鹽，勿服果欲去病，切須忌鹽，但試服藥，即於小便內旋去，不勤臟腑病去，日服三服，兼以溫和調補氣血藥助之，真神方也。

第一退水丸

能化氣退水腫，去苑壅，利濕通小便。

蓬朮 炮

三稜 煨

桂心

青皮

益智

各半兩

巴豆

二兩去皮用油別研

右為末，麩糊丸，如梧子，大用黃梔十個劈破，煎芥黑牽牛酸漿草各少許煎湯，空腹下。二十三十丸。

第二退水餅

服前藥未效，即服此方。

甘遂

大戟

右為末，入麩打水調為餅，如碁子，大火煨熟，五更淡茶湯嚼下一餅。

第三大腹子散

取轉後，調註胃氣，進食。

大腹子 炒

桂心

茴香 炒

陳皮

各半兩

右為末每服二錢米飲調下

桃紅散 治正水脹急大小便不利逆欲死方

甘遂 半兩半炮坏別研

右為末研勻每用一錢以白麵四兩水調入藥搜

和切作碁子白水煮浮更不得使鹽料物只淡食

候大小便利去五六分却用後藥調補

平胃散 一兩附子 炮 白木 各一兩 丁香 半兩

右為末和勻每服二錢水一盞姜七片棗三枚煎

七分不拘時候日三五服若脚未退可灸二陰交

及風門穴腫退必矣

太丸 治通身腫滿及痰氣食積傷寒感風脾氣橫泄

羌活 白木 各半兩 陳皮 木通

黃芪 桑白皮 各三分 木香 一分

黑牽牛 五兩炒

右為末蜜丸如彈子大治風痰散腹脇壅滯清頭

目濃煎生姜湯下取食傷止赤白痢煎棗湯下小

便不利燈心湯下傷寒葱茶下如未快用稀粥投

之用熱茶湯亦可須七日後方可服已得瀉急欲

止之投冷白粥即自止婦人產前並宜服之既服

此藥須住他藥三日及不得喫生冷葷腥及滋味

一用只軟飯淡粥可也次日早進千金散

藿香 甘草 乾姜 炮 神麩 炒 茯苓 各一兩

人參 桂心 各半 陳皮 厚朴 製各二兩

右為末每服二錢水一盞姜三片煎七分鹽一捻

通口服

葶藶大丸 治腫滿腹大四肢枯瘦小便澀濁

甜葶藶 紙隔炒 薺菜根 等分

右為末蜜丸如彈子大每服一丸陳皮湯嚼下只

三丸小便清數丸腹當依舊

料簡

病有風水皮水石水黃汗皆與正水同為治自別

大豆湯治風水通身腫骨節疼惡風自汗眼合不得

短氣欲絕其脉浮

大豆 杏仁 炒去皮尖 麻黃 去節 防風 防已

猪苓 去皮各四兩 澤瀉 黃芪 烏頭 炮各三兩 半夏 傷七

茯苓 白朮 各五兩 甘遂 炒 甘草 炙各二兩

右攻咀每服五錢水一盞酒半盞姜七片煎七分

去滓不計時服以大小便利腫消則停藥未知加

生大戟伍兩葶藶二兩紙炒香無不快利甘草反

甘遂似不當同用之却效非人情所可測也

五皮飲治皮水四肢頭面悉腫按之沒指不惡風其

腹如故不喘不渴脉亦浮

大腹皮炙桑白皮炙茯苓皮炙生姜皮炙陳橘皮炙

右咬咀每服四錢水盞半煎七分去滓熱服日二

三近人磨木香水少許同煎亦妙

澤漆湯治石水四肢瘦腹腫不喘其脉沉

澤漆洗去腥桑白皮炙射干洗黃芩

茯苓炙白木各四兩澤瀉各二兩防己各二兩

右咬咀每服五錢水三盞烏豆一合煎一盞內藥

同煎七分去滓空腹溫服日三

黃汗依五疸法治之用黃芪酒

料簡

病有水腫相類者曰膚脹鼓脹腸覃石瘕脾氣橫泄

五種治法亦復不同除鼓脹見脹滿門腸覃石瘕見

婦人門今具膚脹及脾氣橫泄如后

附子菘豆湯治寒客皮膚殼殼然而堅腹大身腫按

之陷而不起色不變病名膚脹一劑未知再作

大附子生菘豆生破菘豆

右以生姜一兩切水二椀煎至一椀絞去滓分三

服空腹溫服次日將前附子破作四片再用菘豆

二兩姜一兩如前煎服第三日復將附子作八片如前煎

無礙丸治脾氣橫泄四肢浮腫心腹脹滿喘不得卧

蓬木一兩三稜一兩大腹皮二兩木香炮

州檳榔生一分右為末炒麥蘖搗粉為丸如梧子大每服二十九

正生姜湯下

三稜煎治如前方見癥瘕門

茯苓分氣飲治脾胃不和胸膈噎塞腹脇疼痛氣促

喘急心下脹滿飲食不進嘔吐不止兼脾氣橫泄

四肢浮腫

五味子 桔槲 茯苓 甘草 陳皮

桑白皮 草果 大腹皮各二兩紫蘇葉

右為麤末每服四錢水一盞姜三片鹽少許煎七

分去滓食前服

麻黃甘草湯治氣急積久不差遂成水腫如此者衆

諸皮中浮以水攻面且身體從腰以上腫當以此

湯發汗

麻黃二兩去節湯甘草一兩

右為剉散每服四錢水一盞半煎七分去滓空腹

温服

茯苓蘇子丸 治面腫小便澁心腹脹滿

茯苓

蘇子

杏仁 去皮尖 各二兩

橘皮

防已

葶藶

各一分

右為末蜜丸如小豆大以桑白皮湯下三十九食後服

料簡

夫洪腫門類極多自正水之餘有風水皮水石水黃汗等分入水門如脾氣橫洩脚氣支滿膚脹鼓腸覃石瘕與夫造作干犯土氣也作浮腫屬血屬氣理自

不同奈外證相類未易甄別若不預學臨病必迷錯亂汗下皆鑿殺之更有氣分血分亦入腫門類治法類別其可不學古方類例雖明多見不學者抄寫數方一道施治倘非其病妄投其藥盛者致困困者必死况有飲食禁忌種種不同學者勉施不可輕玩以病試藥甚為不仁戒之

血分方見婦人門 氣分方論附于后

氣分證治

氣分與胸痺中滿皆相類但胸痺屬氣實中滿為氣虛氣分則挾涎飲氣為涎飲所隔榮衛不利腹滿脇鳴相逐氣轉膀胱榮衛俱勞陽氣不通則身冷陰氣

不通則骨疼陽前通則惡寒陰前通則痺不仁陰陽
相得其氣乃行大氣轉其氣乃散實則失氣虛則遺
溺乃知氣挾涎飲之所為也其脉寸口遲而濇遲則
為氣不足濇則為血不足跌陽脉微而遲微則為氣
遲則寒斯證也名曰氣分

桂附湯治心下堅大如盤邊如旋盤水飲所作名曰

氣分

桂心 三兩 甘草 炙

麻黃

去節湯焙乾秤

細辛

去苗各二兩

右為剉散每服四錢水一盞半生姜七片棗三個
煎七分去滓溫服汗出如虫行皮中即愈

枳木湯治心下堅大如盤邊如旋盤水飲所作名曰

氣分

枳實

一兩半 白木 三兩

右為剉散每服四錢水一盞半煎七分去滓溫服
腹中軟即當散也

陰癩叙論

夫陰癩屬肝係宗筋胃陽明養之世多不識謂之外
腎非特名義差錯亦使內臟不分其可不辨古方雖
出四證但曰腸癩氣癩水癩卵脹殊不別其所因如
腸癩則因房室過度元臟虛冷腸邊筋系不收墜入

癩中上下無定謂之腸癩屬不內外因病者久畜憂思恐怒兼并隨臟氣下墜陰癩腫脹急痛名曰氣癩屬內所因病者久坐冷濕濕氣下襲致陰腫脹名曰水癩屬外所病者勞役無節及跨馬坐車致卵核腫脹或偏有大小上下無常名曰卵脹亦屬不內外因有小兒生來便如此者乃宿疾也卵脹腸癩皆難治氣癩水癩治之易愈又寒疝下注入于癩中名為狐疝亦屬癩病世人因此並以癩病為疝氣不審之甚婦人陰門挺出亦稱癩病名義不分有如此者

陰癩證治

凡癩病唯腸癩無問貴賤多有之有睡卧營系延入脇下者有墜入囊中者或遇疲勞及天色變動逼上囊根腫急作痛過於寒疝得煖則下其如卵脹有作熱生膿為癰潰爛者比比有之

柴萸內消丸治陰癩偏大上攻臍腹疝痛膚囊腫脹

或生瘡瘍時出黃水腰腿沉重足脛腫滿行步難

辛服之內消不動腑臟

川練三兩剉炒大腹皮五兩五味子海藻洗

玄胡索各二兩半木香炒茴香炒桂心

川烏炮去皮尖吳茱萸石茱萸

白茯苓 各二兩

枳實 去穢炒

橘紅

桃仁 麩炒各一兩

木香 半兩

桔梗

青皮 各二兩

山茱萸 二兩

右為末酒糊丸如梧子大温酒下三十丸

大戟丸 治陰癩腫脹或小腸氣痛

大戟 去皮剉炒

葫蘆巴 四兩

木香 一兩

附子 炮去皮臍

舶上茴香

訶子 煨去核

檳榔 各一兩

川練 後入

麝香 半分

右為末獨留川練以好酒一二升葱白七枚長三四寸煮川練軟去皮核取肉和上件藥丸如梧子

大空心温酒下五七丸至十丸姜湯亦得潮發疼痛炒姜熱酒下十五丸

煉陰丹 治陰器下墜腫脹卵核偏大堅如石痛不可忍

玄胡索 微炒去殼

昆布 洗

青皮

茴香 炒

川練 去核

馬蘭花 各一兩

木香 半兩

大戟 酒浸三宿切片焙乾一分

右為末別將礶砂阿魏安息香各一分用酒醋各一升淘三物去炒右熬成膏入麝香一錢沒藥一分入煎藥和丸如菉豆大用綿灰酒下十丸至二十

五九空心服

抵聖丸 治膀胱有熱多因天氣熱而發陰癩腫滿赤痛大便秘欲飲水按之臍腹痛

續隨子 薏苡仁 郁李仁 茵芋

白牽牛 各一分

右為末滴水丸如梧子大五丸用博濟方香姜散嚥黃昏服五更利下惡物效

兼金丸 治熱入膀胱臍腹上下兼脇肋疼痛便燥欲

飲水按之痛者

大黃 濕紙裹八錢 硝石 桂心 甘草 各四兩

桃仁 四十個 去皮尖

右為末蜜丸梧子大米飲下五七丸至十九丸婦人血閉疼痛亦宜服之

應痛丸 治敗精惡物不去結在陰囊成疝疼痛不可

忍久服去病

阿魏 二兩醋和用蕎麥麩作餅

檳榔 大者二個刮作瓮子滿盛的乳香將刮下未用蕎麥麵拌作餅子煨火煨熟

右同研為末入硃砂末錢赤芍藥末下兩同為麩

糊搜和丸如梧子大溫酒鹽湯下十九至二十九食前服

疾藜丸 治囊核堅大行動艱辛發作牽連偏墜疼痛

白茯苓微炒去刺 海藻浸洗去鹹 澤瀉各一兩 茴香炒一兩半

桂心 木通 牛膝剉酒浸 五味子

木香煨 檳榔各二兩 茯神去木 人參

遠志水浸去心姜汁炒各三兩 川練去皮核 桃仁去皮尖炒別研

赤芍藥 續斷 山茱萸 茯苓酒

青皮各四兩 右為末蜜丸梧子大空心食前溫酒鹽湯下三五

十九

三白散 治膀胱蘊熱風濕相乘陰癩腫脹大小便不

利

白牽牛畧炒 白朮半兩 桑白皮 陳皮

木通各半兩

右為末每服二錢姜湯調下空腹服初進一服未覺再進此藥不損臟氣只導利留滯疝方大率多用熱藥此方唯壅熱證宜服之

蜘蛛散 治陰狐癩氣偏有小大時時上下脹入

蜘蛛十四个 桂心半兩

右為末蜜丸梧子大米飲下十九

牡丹散 治癩偏大脹不能動坐卧不安

牡丹皮 防風 等分

右為末酒服方寸七小品有桂枝豉鐵精共五味
嬰兒以乳汁調一字許

香附散 治癩脹

香附子 不拘多少

右為末每用酒一盞煎海藻一錢重至半盞先澆
海藻嚼細用所煎酒調香附末二錢服

雄黃散 治陰腫大如斗核痛入所不能治

雄黃 一兩 礬 二兩 研 甘草 生半兩

右為剉散以水五升煎洗之

癰疽叙論

發背癰疽者該三因而有之論云癰疽瘰癧不問虛
實寒熱皆由氣鬱而成經亦云氣宿於經絡與血俱
澀而不行壅結為癰疽不言熱之所作而後成癰者
此乃因喜怒憂思有所鬱而成也又論云身有熱彼
風冷搏之血脉凝泣不行熱氣壅結而成亦有陰虛
陽氣湊襲寒化為熱熱成則肉腐為膿者此乃外因
寒熱風濕所傷而成也又服丹石及灸燻酒麪温床
厚被所致又盡力房室精虛氣節所致者此乃因不
內外所傷而成也故知三因備矣又論云癰者節也

癰者壅也疽者沮也如是但陰陽不平有所壅節皆
成癰疽又曰陰滯於陽則發癰陽滯於陰則發疽而
此二毒發無定處當以脉別之浮洪滑數則為陽微
沉緩澹則為陰陰則熱治陽則冷治治之之要雖有
四節八事所謂初覺則宜熱拔毒已潰則排膿止痛
膿盡則消肌肉塞惡肉盡則長肌傳痂次序固明若
不別其因施治亦昧故治法中有用遠志宜熱者得
非內因乎至於外因則用大黃不內外因則用甘草
世醫但泥方書多用五香連翹與漏蘆二湯更不知
三因所自其可守一法而普攻之既得其因又須觀

病淺深與證候吉凶寒則溫之熱則清之虛則補之
實則瀉之導以針石灼以艾炷破毒潰堅以平為期
各有成法近胡丞得一方甚寶秘之持以獻洪丞相
丞相與之作序言重於世已遍行矣其方乃千金內
補散添黃芪加入參減桂間有輕者服之稍效若真
癰疽為害反甚內補散當用在第四節當前服內消
等藥俟膿盡方得投苟專用之亦所謂守一法也孔
子不嘗未達之藥者良有旨哉士夫當深味斯言無
輕信醫方誤天下後世謹之謹之

癰疽證治

癰疽證治

病者脉數身無熱而反洒淅惡寒若有痛處背發其
癰腫欲知有膿無膿以手掩上熱者為有膿不熱為
無膿此亦大略說也自有脉不數不熱而疼者蓋發
于陰也不疼者是惡證不可不知凡熱盛脉數即用
漏蘆並單煮大黃等湯不甚熱脉緩弱只投五香連
翹湯其它依四節八事次序及推三因以具藥未有
不全濟也

遠志酒治一切癰疽發背癰毒惡候浸尖有死血陰
毒在中則不痛傳之即痛有憂怒等氣積而內攻
則痛不可忍傳之即不痛或溫熱在內熱逼入手

不可近傳之即清涼或氣虛血冷潰而不斂傳之
即斂此本韓大夫宅用以救入極驗若七情內鬱
不問虛實寒熱治之必愈

遠志 不以多少湯洗
去泥搥去心

右一味為末酒一盞 調三錢遲頃澄清飲之以滓
傳病處

大黃湯孫真人云緩急單煮大黃一味為湯服即快
利此要法

獨聖湯治服金石及食炙燻飲酒房勞為癰疽及諸
惡瘡疼痛

甘草 半斤生剉

右一味以水一斗浸一宿煎至五升以下去滓入銀石器煎熬為膏分二服温酒下臨臥一服次日五更一服當取下惡物為效

通聖雙行湯治傷風寒暑濕或泣或散使氣血滯凝

肉腐為膿壅結成癰疽隨處發作

大黃 兩 蒸一木 驚去殼 防風 枳殼

桔梗 甘草 各一分

右為剉散每服四大錢水一盞煎七分去滓入朴消兩錢重煎鎔熱服得踈轉一兩次即服黃金湯

若陰證只服萬金不可用通聖雙行也

萬金湯治癰疽發背發眉發鬚發腦婦人乳癰等

疔痛去毒

甘草 半兩 沒藥 一分 放蕒 一个去皮

右為剉散以無灰酒三升煮至一升去滓隨量旋飲盡或出血或出黃水是效

五香連翹湯治一切惡核瘰癧癰疽惡腫等病

青木香 即舶上木香 沉香 董木香 即乳香 丁香

麝香 升麻 桑寄生 獨活

連翹 射干 木通 各二兩 大黃 兩 蒸三

右為劉散每服四錢水二盞煎七分空腹熱服以快利為度本方有芒消可去之只加大黃作五兩

忍冬酒治癰疽腫毒甚效

忍冬草 取嫩苗 甘草 八分炙剉

右同研入酒一升半砂瓶塞口煮去滓溫服仍以滓傳腫毒上又木蓮葉四十九片搯去毛研細酒解溫服功與忍冬草不相上下又龍鱗薜荔一握細研以酒解汁溫服亦能瀉下惡物去其根本轉毒散治發背癰疽不問淺深大小利去根本不動元氣神效

車螯 紫背光厚者 甘草 生一分 輕粉 半分重

右以鹽泥固濟車螯火煨取末一兩入甘草末同輕粉研勻濃煎枯樓酒調下四錢匙五更初服轉下惡物為度未知再作枯樓每用一箇酒一椀煎一盞為一劑

靈寶膏治發背癰疽宜熱拔毒排膿止痛

大苴萋 二十個去皮穰取子炒香取仁細研 木乳香 兩 胡桃 六十個取肉去皮同苴萋研細 白蜜 一斤 右以銀石器內慢火熬成膏每服兩大匙溫酒調下不以時候服

托裏散 治癰疽欲發未潰及已潰服之內托不使透

膜

苡蓂子 去穰 鬼腰帶皮 皂角刺 射干 即仙人掌根 紅花者是

天羅放 取子各一個 茴香 木鱉 五個 去殼 漢椒 各一兩

右焙乾為末 麩薄糊調作餅灸乾為末 每服一二三

錢酒調下 不飲酒以木香湯下

白玉膏 收縮癰疽令不蔓衍 切忌用冷藥外貼逼毒

氣入裏殺入

杏仁 二十一粒 去皮尖別研 川椒 四十九粒 去目出汗為末 清油 一兩 酒蠟 半兩

右文武火熬用柳青枝打紫黑色綿濾過再熬滴

永成珠 收淨器內看瘡大小作新月樣紙花團圓

貼候暈収更促小瘡頭聚用後藥傳

續連散 治癰疽瘡腫未潰已潰皆可傳

續榔 各半 黃連 各半 川山甲 大者十片 燒存性

右為末先點好茶以翎毛刷過瘡仍以茶清調藥

傳瘡上如熱甚則以雞子清調傳膿已潰則用長

肌藥未快則用替針丸

替針丸 治癰疽雖潰而膿不出用之即快

堆雀糞 二十七個 直者是 礶砂 一字 別研 陳倉米 一字 為末

沒藥 一字 研

右研勻以米飲丸如粟米每用一粒貼在瘡頭或瘡眼中即潰膿出

生肌散 傳癰疽瘡毒即生肌

黃狗頭骨 燒存性 二兩 膩粉 一分 桑白皮 各一兩

右為末生麻油調傳自通聖萬金神異白土攪連替針生肌凡七方是一家行用均濟三因皆良藥也

瞿麥散 治癰疽已潰排膿止痛利小便

瞿麥 一兩 芍藥 桂心 赤小豆 酒浸 炒 川芎 黃芪 當歸 白斂 去心 各二兩 麥門冬 二兩

右為末每服二錢酒調下空腹服

內塞散 治癰疽熱退膿血不止排膿止痛

防風 茯苓 白芷 桔梗 遠志 甘草 人參 川芎 當歸 黃芪 各一兩 桂心 半兩 附子 二個 炮 厚朴 姜製 二兩 赤小豆 二兩半 酒浸炒

千金內補散 治癰疽發背惡肌不盡服此消肌生肉

當歸 桂心 各二兩 人參 川芎 厚朴 姜製 炒 防風 甘草 炙 白芷 桔梗 各一兩 右為末每服二錢匙酒調空腹服不能飲酒以木

香湯調下

善應膏治癰疽潰後長肌傳瘕

白芷

黃芪 各一兩 甘草 二分

黃臘 二兩 黃丹 二兩

右前三味為麤末春秋用麻油四兩半夏四兩冬五兩熬藥紫赤色綿濾去滓再入黃蠟黃丹以柳枝不住手攪滴水成珠即止用如常法

猪蹄湯洗發背癰疽

猪蹄

一具治如食法

黃芪

黃連

芍藥

各三錢

黃芩

一分

薔薇根

狼牙

各一兩

右剉散以水二手煮猪蹄熟澄清得汁半許入藥

煎至二三分去滓洗瘡以帛拭乾日一二如疼痛加

當歸甘草各一分

外食散治癰腫惡肉不盡膿水淋漓傳此能消肌長

肉

白礬

銀窩內用瓦蓋煨令性盡一兩

好染坯

血竭

各一兩

右研細用桑漿旋搜為膏量瘡大小貼之忌鯽魚酒麪毒物等

瘡漏脉例

經云陷脉為漏留連肉腠脉得寒即下陷凝滯肌肉故曰留連肉腠肉冷亦能為膿血故為冷漏須用濕

藥方如后

陷脉散治漏瘡及二三十年癭瘤或大如杯盂久久不差致有漏潰令人骨消肉盡或堅或軟或潰令人驚駭楊寐卧不安體中掣痛愈而復作

乾姜炮 琥珀 大黃 附子炮各一兩 丹參 三分

石硫黃 白石英 鍾乳粉 烏賊魚骨各半兩

右為末貯以磁合帚囊勿令洩氣若瘡濕即傳無汁即煎猪脂和傳之以乾為度或死肌不消加芒硝二兩益佳一法用胡燕屎一枚

桂附丸治氣漏冷漏諸瘡

桂心 附子炮烈米醋中浸再炮滓三五次去皮尖 厚朴姜製

甘草灸 白木各一兩 木香一分 乳香二錢別研

右為末煉蜜丸梧葉大空腹米飲下二三十九

癰疽灸法

夫癰則皮薄腫高疽則皮厚腫堅初發並宜灼艾唯癰成則宜針疽膿成則宜烙若能審其名證早早施治仍用藥以攻利其根補托其裏不必告醫自料亦差但世人忽之爾醫方所以冠癰疽於雜病之先者知為大病也世醫失治療之序顛倒錯亂多致枉天良可歎息故備集得效灸法以貽學者庶不致妄投

也。初生癰疽發背神效灸法累試有驗江寧府紫極
觀因掘得石碑載之。凡人初覺發背欲結未結赤熱腫痛先以濕紙覆其
上立視候之其紙先乾處即是結癰頭也取大蒜切
成片如當三錢厚薄安其頭上用大艾炷灸之三壯
即換一蒜片痛者灸至不痛不痛灸至痛時方住最
要早覺早灸為上一日二日十日十活三日四日六
七活五六日三四活過七日則不可灸矣若有拾數
頭作一處生者即用大蒜研成膏作薄餅鋪頭上聚

艾於蒜餅上燒之亦能活也若背初發赤腫一片
中間有一片黃粟米頭子便用獨頭蒜切去兩頭取
中間半寸厚薄正安於瘡上却用艾於蒜上灸十四
壯多至四十九壯

三因極一病證方論卷之十四

三因極一病證方論卷之十五

瘰癧證治

夫九漏形疹皆瘰癧於項腋之間發作寒熱其根在
 臟腑千金所叙雖名九漏別錄方證其名更多狼漏
 根於肝得之憂怒鼠漏根於胃得之食鼠毒蠱蝮漏
 根於大腸得之食菓蜂漏根於脾得之飲流水有蜂
 毒虻蟻漏根於腎得之食中有虻蟻毒蠱蝮漏根於
 心得之喜怒哭泣浮蛆漏根於膽得之思慮瘰癧漏
 根於腎得之新沐髮轉脉漏根在小腸得之驚卧失
 枕此等因證文義不明未知所始若以理例較之怒

根在肝鼠毒在胃食瓜菓在大腸蜂水在脾姑且通
俗易曉如轉脉因驚根當在膽却云在小腸浮蛆因
思慮根當在脾却云在膽瘰癧因沐髮亦不當在腎
名義不通似難考據又况哭泣得蟻蠟之名思慮則
浮蛆之名此尤不可曉也其外更有風漏冷漏蝎漏
蟻漏蜚蝗漏蚯蚓漏蝦蟇漏等名狀不一諒皆出於
上俗隨象命名耳難以考據治法觀其未着於肌
肉而外為膿血者從本引末可使衰去針之灸之傳
之角之從其所因宜通本臟皆有成法千金又有决
死生反其目視其中有赤脉從上下貫童子見一赤

一歲死見一赤脉半一歲半死二赤脉二歲死三赤脉三歲
死赤脉不下貫童子可治雖有是說驗之病者少有
是證亦難攷據此往往是三陽傳諸陰經方有之若
本臟發未必有是學者知之
必勝丸治瘰癧不以年深日近及腦後兩邊有小結

連復數箇兼勞瘵腹內有塊

鯽魚一箇去腸肚并子入雄黃一粒雞子大硃砂
以全蜈蚣一條蓬朮半兩梔子五个皂角二挺並
燒草麻子五个去皮灯上燒更用黃明膠三文皂
角二挺去
皮酥灸

右為末別用皂角二挺去皮搥碎以水三椀揉汁

去滓煮精羊肉四兩爛軟入輕粉五兩男子乳汁
半兩同研成膏和藥末丸如菘豆大朱砂為衣濕
酒侵晨下十丸日一服至晚下肉疔疽子若項有
五箇則以五服藥取之視其所生多少以為服數
既可更進數服如熱毒瘡癩未有頭腦者一服亦
須消散

白花蛇散治九漏瘰癧發於項腋之間增寒發熱或
痛或不痛

白花蛇酒浸軟去皮骨 生犀鎊半 黑牽牛半兩半
青皮半兩 焙乾秤二兩

右為末每服二錢膩粉半錢研勻五更糯米飲調
下巳時利下惡物乃瘡之根也更候十餘日再進
一服忌發風壅熱物如已成瘡一月可效用之神
驗

聖散治瘰癧用花蛇散取轉後須用此補之未去

根本

海藻洗 石決明煨 菴活 瞿麥穗各等分
右為末每服二錢米湯調下日三服下清水盡為
妙

蝮牛散治瘰癧潰與未潰皆可貼

蝸牛

不拘多少以竹索串瓦上曬乾燒存性

右為末入輕粉少許猪骨髓調用紙花量病大小貼之一法以帶殼蝸牛七箇生取肉入丁香七枚於七殼內燒存性與肉同研成膏用紙花貼之

早蓮子丸治少長臟氣不平憂怒驚恐諸氣抑鬱結聚癰癧滯留項腋及外傷風寒燥濕飲食百毒結成諸漏發作寒熱遍于項腋無問久近悉主之

早蓮子連翹子

威靈仙

何首烏

蔓荊子

三稜

醋浸濕紙裹煨

赤芍藥

各一兩

木香

二兩

大皂角

三挺

括去皮酥炙无酥用羊脂炙

右為末糊丸梧子大建茶清下三十九至五十九日三服小兒量與之食後服

癭瘤證治

夫血氣凝滯結癭瘤者雖與癰疽不同所因一也癭多著於肩項瘤則隨氣凝結此等皆年數深遠浸大浸長堅硬不可移者名曰石癭皮色不變即名肉癭筋脉露結者名筋癭赤脉交絡者名血癭隨憂愁消長者名氣癭五癭皆不可妄決破決破則膿血崩潰多致天柱瘤則有六骨瘤脂瘤肉瘤膿瘤血瘤亦不可決潰肉瘤尤不可治治則殺人唯脂瘤破而去其

脂粉則愈

破結散治石癭氣癭勞癭土癭憂癭等證

海藻洗 龍膽 海蛤 通草 昆布洗

礬石枯 松蘿各三分 麥麩四分 半夏

右為末酒服方寸七日忌鯽魚猪肉五辛生菜諸雜毒物十日知二十日愈

白膏治一切風熱毒腫及臙氣鬱結丹石發動結為

癰疽瘰癧諸瘡腫未破即令消散九漏浸淫膿汁淋瀝諸治不差者悉主之

白欬 白薇 大白及 白芷 薤白各半

兩剉洗以清油一斤煎至半斤 黃芪入 茸松藿香

零陵香 防風 當歸各半兩 入前油煎十上火綿瀝去滓入

定粉二兩 黃蠟三兩 寒水石煨水飛過

右再煎滴水成珠為度磁器盛之以腦子少許攪其上煎時忌鐵器以柳枝攪

附骨疽證治

附骨疽與白虎飛尸歷節風皆相類歷節則走注不定白虎飛尸痛淺按之則便附骨疽痛深按之無益又一說白虎飛尸亦能作膿著骨而生及其腐潰碎骨出盡方愈如是則附骨疽與白虎飛尸是一病但

深淺不同耳白虎飛尸又俗名風煞然病附骨疽少
有骨出者宜拔毒熱不可一向泥五香連翹漏蘆之
屬當先溫醫如靈寶膏乃神藥唯在針烙淺深刺拔
其毒根則易愈不爾則順脈流走遍體洪腫卒致不
救

蟾蜍膏治附骨疽久不差膿汁敗壞或骨從瘡孔出

大蝦蟆一枚 亂髮一塊雞 猪脂油一斤

右同煎二物畧盡瀾去滓凝加膏貼之凡欲貼瘡
須先以桑白皮烏豆煎湯淋洗拭乾以龍骨煨為
粉糝瘡四邊令易收然後方用貼藥

黑鯽膏治附骨疽腫熱未破已破或膿出不愈

黑色鯽魚 一箇去腸肚入白 鹽令蒲線縫定

右銅石器中煮一盞水盡魚乾焦為末脂油調傳
已破則乾糝少痛勿怪

赤木丸治附骨疽膿出淋漓久久不差已破未破皆

可服

赤木 一斤米泔浸三宿取出洗淨曬乾再以大麻

白七根煮黑油 破故紙 炒 川練 剉炒 茯苓

舶上茴香 炒 杜茴香 白芷 桃仁 去皮尖炒 各半斤

右為末煉蜜丸 梧子大每服五十丸溫酒塩湯任

下

一方用槲樹皮燒灰為末飲方寸匕

一方用蜜陀僧為末以猪脊骨髓調傳之兼治痔漏
不愈

丁腫證治

世醫謂傷寒在諸風之上癰疽冠雜病之先言此二
病重大急切然方論丁腫又在癰疽之前其意謂急
切甚矣但江左少見此病醫者不以為事病源既有
不可不知且依千金類例具列于後既不能究其源
亦不敢妄有改作一曰麻子丁肉上起頭如黍米色

稍黑四邊微赤多癢忌食麻子及麻衣并入麻由中
行二曰石丁皮肉相連色烏黑如黑豆甚硬刺之不
入肉陰陰微疼忌瓦礫磚石之屬三曰雄丁砲頭黑
壓黑四畔仰瘡砲漿起有水出色黃大如錢孔忌房事
四曰雌丁瘡頭稍黃向裏壓赤似灸瘡四畔砲漿起
如錢孔心凹色赤忌房事五曰火丁狀如湯火燒灼
瘡頭黑壓黑四邊有砲漿起如赤粟米忌火灸燥六曰
爛丁色稍黑有白班瘡中潰潰有膿水流出瘡形大
小如匙面忌沸熱食爛帛物七曰三十六丁頭黑淫
起形如黑豆四畔起大赤色今日生一明日生二三

日生三若痛三十六藥所不治俗名黑炮忌嗔怒蓄積愁恨八曰蛇眼丁瘡頭黑皮上浮生形如小豆狀似蛇眼大體硬忌惡眼看之并嫉妬人見及毒茶九曰塩層丁狀如匙面四邊皆赤有黑粟粒起忌鹹食十曰水洗丁形如錢或如錢孔大瘡頭白裏黑膿汁出中硬忌飲漿水水洗渡河十一曰刀鎌丁瘡闊狹如薤葉大長一寸左側肉黑如燒藥忌刺及刀鎌切割鐵丸所傷可以藥治十二浮漚丁瘡體曲圓少許不長而狹如薤葉大肉黃外黑黑處刺不痛肉黃處刺之則痛十三曰牛狗丁肉皸起拍不破此十二證初發必

先痒後痛先寒後熱熱定則寒四肢沉重頭痛心驚眼花太重者嘔逆嘔逆則難治麻子丁始未唯痒所録忌者不得犯犯即難治浮漚丁牛狗丁無忌縱不治亦不殺入欲知犯觸但脊強瘡痛極甚不可忍者是犯之狀也

治十三種丁皆以此方治之

以緋帛壹片裹茶取匝為限亂髮雞子大攤布帛上牛黃如梧子大反鈎棘針貳拾壹枚赤小豆柒粒為末並布髮上捲緋帛作團外以髮作繩十字縛之熨斗中急火燒灰研篩細以拘杞或子或根

皮枝葉隨得為末用枸杞末二七緋白灰一七共
成三七研勻分二服空腹酒調下

蒼耳散治一切丁腫神良方

蒼耳

根莖苗子俱取
壹色便可用

右燒為灰醋泔淀和如泥塗上乾即易去不過十
度即拔根出

腸癰證治

癰疽初無定處隨其所發即命名在外則為發背發
腦在內則為腸癰內癰心癰腎癰肺癰膈癰等治得
其法則生失法則死外證易識內證難明不可不備

述也腸癰為病身甲錯腹皮急按之濡如腫狀腹無
聚積身無熱脉數此為腸內有膿久積陰冷所成也
故金匱用附子溫之小腹腫痞按之痛如淋小便自
調發熱身無汗復惡寒其脉遲緊者膿未成可下之
當有血洪數者膿已成不可下此以內結熱所成也
故金匱用大黃利之甚者腹脹大轉側聞水聲或造
臍生瘡或膿從臍出或大便秘膿血不治必死其如
五内生瘡亦止分陰陽利而已不比外癰須依四節
八事之次第也千金引官羽林婦病醫診之其脉滑
數滑則為實數則為熱滑則為榮數則為衛衛數下

降榮滑上_レ升榮衛相_レ干血為敗濁少腹痞堅小便或
澁或復汗出或復惡寒膿為已成設脈遲緊即為癰
血血下即愈更內經所載有息積病比見有得之
三年遍身微腫續乃太腸與臍連日出膿遂致不救
此亦腸癰之類也不可不審

薏苡仁附子敗醬散治脈數身无熱腹无積聚按之

濡此為腸癰

薏苡仁貳兩附子炮半兩敗醬壹兩
右剉散每服四錢水一盞半煎七分去滓空心服
小便利為效

大黃牡丹湯治腸癰小腹腫痞按之即痛如淋小便

自調時時發熱自汗出復惡寒其脈遲緊者膿未
成可下之當有血脈洪數者膿已成不可下

大黃半兩牡丹壹錢桃仁半兩瓜子參分芒消貳錢
右為剉散作壹服以水參盞煎取八分盞去滓入
芒消再煎沸頓服不以時

薏苡仁湯治腸癰腹中疔痛煩毒不安或脹滿不食
小便澁婦人產後虛熱多有此病縱非癰但疑是
便可服就有差互亦無害

薏苡仁伍兩牡丹皮各參兩桃仁肆兩

右為劉散每服四大錢水一盞半煎七分去滓不以時

五痔證治

經云腸癖為痔如大澤中有小山突出為痔人於九竅中凡有小肉突出者皆曰痔不特於肛門邊生亦有鼻痔眼痔牙痔等肛門中證狀不一方書分出五種曰牝曰牝曰脉曰氣牝痔者肛邊腫痛突出一枚五六日後潰出膿血自愈牝痔者肛邊發癢數箇如鼠乳狀脉痔者无頭脉中逆小竅注下清血腸痔者生在腸內更衣時非按搦不久入氣痔者遇夏夏怒

則發肛門腫疼氣散則愈治之法切勿用生砒毒氣入腹反至奄忽近見貴人遺此痛不忍言因書以戒後學

五灰散治五痔不問內外牝寒溫勞濕悉主之

鱉甲治牝痔 蝟皮治牝痔 猪左足懸蹄甲治腸痔

蜂房治脉痔 蛇蛻治氣痔 各等分

右燒存性隨證倍下分為末井花水調二錢空心

臨卧時一服

薰法

蝟皮方三指大切 熏黃藥大研 熟艾雞子大

右為末用瓶器以灰實壹半如燒香法安長桶內坐其上薰之煙氣從口出為佳凡二度薰永差勿犯風冷忌雞肉毒物

洗法

海桐皮剉 蛇床子各一兩 香南藤剉 葱白切各三兩

右用水一斗入藥五兩煎減半去滓候溫著手輕輕洗以絹拭乾一法止用槐白皮煎湯淋滌最佳

貼藥

蜀葵子半兩 蟬蛻五个 檳榔一个逆

右用棗三枚取肉研細搜和藥末如覺硬滴以蜜

研成膏量大小貼於病處

辯腸風論

夫有五痔人奏圍則下血或點滴或併箭或清或濁面黃唇白心忪脚弱頭目眩暈此因飽食坐久腸痔所為亦有飲酒房室過度所致世醫多指此為腸風臟毒然腸風臟毒自屬滯下門藏毒即是藏中積毒腸風即是邪入藏純下清血謂之風利今五痔下血乃是酒痔脉痔其血自肛門邊別有一竅如針孔大滴淋而下與洩物不共道不可不知烏連湯治脉痔下血不止量冷熱加減法

黃連

去鬚

烏頭

炮去皮尖 各等分

右為剉散每服二錢水一盞半煎茶分去滓空心服熱則加蓮冷加烏頭

酒連丸

治酒痔下血伏暑久治不效

黃連

不以多少燎去鬚酒浸銀器中重湯煮漉出曬乾添酒煮七次止

右為末以餘酒為丸如梧子大每服五十九米湯下

加味四君子湯治五痔下血面色萎黃心忪耳鳴脚

弱氣乏口淡食不知味

人參

茯苓

白朮

甘草 炙

黃芪

白扁豆 蒸各等分

右為末每服二錢匕湯點服此方人未之信服者頗效所謂看不上手面自有奇功

荆芥散治脉痔下血

荆芥穗

槐花

炒焦各二兩

石菖蒲 一兩

右為末米飲調下二錢食前服日二服

白玉丹治久年腸痔下血服百藥不效者

凝水石

不以多少煨紅研細水飛再入煨窩中煨

右糯米糊丸如梧子大陳米飲下五十九只一服愈

又方單服白梅亦効

瘡瘍證治

瘡疥雖不至害人浸淫不已亦有數年不愈者多因
心腎不寧傷神失志或飲食不節積滯腸胃致氣血
凝留發於肌肉皮膚之間色目極異所謂馬疥惡露
反花癩瘡種狀不同或痒或痛汁水淋漓愈而復發
諸治不差要當調養心腎去腸間莖理无不愈

升麻和氣飲治瘡疥發於四肢臂髀痛痒不常甚致
增寒發熱攻刺疼痛浸淫浮腫及癩風入臟陰下
濕痒耳鳴眼痛者
蒼朮 二兩米泔浸三宿 桔梗 升麻 乾葛 各一兩 陳皮 六分

甘草

芍藥

各三分

半夏

湯七次

當歸

白芷

茯苓

各二分

枳殼

厚朴

姜製炒

乾姜

各半兩

大黃 蒸半兩

右為剉散每服四大錢水一盞半姜三片灯心十
五莖煎七分去滓食前服

六麻煎治風毒入胃及心腎經絡攻注百節疼痛頭

目虛腫痰涎不利下注腰脚緩弱生瘡婦人血風

男子癩風及風濕脚氣攻注皮膚癢痒癰毒偏正頭風

川烏頭

洗淨灰炒裂去皮尖

草烏頭

水浸三日洗去皮各四兩

荆芥穗

半斤

乾薄荷

五兩

杜當歸

水浸三日曬乾一竹切

右為末醋糊丸梧子大茶清下二十丸此方與癰

癩門加味烏荆丸相類但此方入草烏并適製不
同介

殺疥藥

羊蹄根生切 姜一分 礬半 硫黃一分 草烏頭一箇

右以米泔淹一宿研極細入醃醋和勻入浴時抓
破瘡傳之遲頃以温湯洗去絕妙

百草膏治一切惡瘡不問乾濕痛痒日近年深百藥

不差

羊屎不拖
多少

右一味上下以瓦盛蓋柴木燒令煙盡末之麻油

調傳痒者入輕粉少許痛者入麝香少許神効

一法用杏仁輕粉最殺虫

癩風證治

男子精血不調外為風冷所襲致陰下濕痒搔之不
已流注于脚悉生瘡瘍名曰癩風世謂腎臟風者乃
認癩為腎也癩屬宗筋系於肝胃陽明養之陽明主
肌肉循經流入四肢故使四肢生瘡正謂之癩風非
腎藏風也

四生散治癩風上攻下注耳鳴目痒鼻赤齒浮或作
口瘡下注陰濕四肢搔養遍体生瘡及婦人血風

白附子 沙苑蒺藜 黃芪 羌活各等分

右為末每服二錢塩酒調下有人將猪腎破開入塩糝藥於其間煨服亦佳癩屬宗筋胃陽明養之故有是證

烏頭黃塩丸 治元臟氣虛癩風入胃上攻頭疼眼赤

眵淚昏澁口乾咽燥下注四肢疼痛歷節重著陰下

濕痒足脛腰膝遍生瘡瘍及風水浮腫

川烏頭洗淨人者破 蒼朮 吳茱萸各四兩

京三稜半兩 白塩十二兩用水煮四味候

右為末米糊丸梧子大每服五十丸空腹温酒塩

湯任下凡水病必忌塩此藥用塩无所忌

升麻和氣飲 治如前方見瘡瘍門

天麻煎 治如前方見瘡瘍門

癬證治

凡癬種類亦多所謂苔癬瓦癬荷葉癬雖以皮膚氣血凝滯所為或有風濕搏成者或為入傳染得之者種狀不同治之各有方

昨葉荷草散 治一切癬无問風濕氣血與夫相染而

生者

昨葉荷草即瓦上曬 乾一兩 枯礬一分 雄黃半分

右為末以羊蹄菜根先蘸醋搯上令痒破即以藥末乘濕塗傳不過三兩次即愈

妬精瘡證治

夫邏慾人多患妬精瘡者以婦人陰中先有宿精男子與之交接虛熱即成初發在陰頭如粟拂之則痛甚矣兩日出清膿作白孔蝕之大痛婦人亦有此病生在玉門內正似痔蝕瘡不痛為異耳

麝香散治妬精瘡

麝香

黃礬

青礬

各等分

右為末小便後傳之

白散子治妬精瘡痒不可忍者及皮膚諸瘡手抓痒

瘡

晉礬

不拘多

輕粉

每服入少

右研勻搽瘡上立差如治漏瘡每挑一錢入黃蘗末一錢輕粉半錢

津調散治妬精瘡膿汁淋漓臭爛

黃連

款冬花

各等分

右為末以地骨皮蛇床子煎湯洗用軟帛搥乾以津調藥傳之最忌不得用生湯洗諸瘡皆然

蒲黃散治陰蝕瘡

蒲黃 三兩

水銀 一兩

右研勻先以猪肉湯浸洗挹乾以藥摻之一方治男女陰瘡以硫黃末傳之

大風叙論

經所載癩風者即方論中所謂大風惡疾癩是也雖名曰風未必皆因風大率多是嗜慾勞動氣血熱發汗泄不避邪風冷濕使滯氣與衛氣相干致肌肉憤膜氣有所凝則肌肉不仁榮氣泣濁則胎熱不利故色敗皮膚瘍潰鼻梁闌壞千金所得自作不仁極猥之業雖有悔言而无悔心良得其情然亦有傳染者

又非自致此則不謹之故氣血相傳豈宿業緣會之所為也原其所因皆不外涉外所因而成也證候多端并見諸后

大風治法

凡治大風須推其所因凡因風寒濕熱勞逸飲食與夫傳染不可混濫散寒濕風濕清熱調和氣血類然不同若例以瀉風藥治之則失其機要矣昔見一僧得病狀如白癩卒不成瘡但每且起白皮一升許如蛇蛻醫者謂多啖炙煇所致與局方解毒雄黃丸三四服而愈豈非得其因邪治之

第一浴法

麻黄根

地骨皮

草烏頭各二兩

右為剉散研朴消二兩勻和每用藥二兩水一桶
椒一合葱三十莖艾葉一兩同煎十沸入米醋一
中盞打勻去滓坐温室中且用手巾搭四肢候湯
可浴即浴令汗透面上如珠流更坐室中或睡片
時尤佳候汗解方著衣避風而出五日再浴如此
兩上浴便服換骨丹

換骨丹

九助鰲甲

去帽

海蟾蟾

細剉各半兩

右以塩泥固濟候乾火煨存二分性為末巴豆半

兩去皮膜順手研青桐棗七箇去核入巴豆膏在
棗中火燒令焦存巴豆五分性將棗巴豆爛研如
泥入前二味末同研勻以醋煮糊為丸如棗豆大
每服七丸虛者四五丸用温薑汁下候利惡物如
膿血爛魚腸即住即此三兩服未利更加一二丸
次服遇仙丹

遇仙丹

人參

紫參

各一兩

苦參

白疆蚕

去此角各二兩

右為末白麵糊丸梧子大每服二十九温塩湯吞
下食前日二次服疎風散

疎風散

山梔子仁一兩 大黃 白滑石 熟地黄懸豆 酥炙焦 黃各二兩
右為末入朴消半兩令勻每服一錢食後淡茶清調下次以佛手膏去瘡

佛手膏去黑紫瘡核

班猫七箇去翅足 巴豆七粒去皮 杏仁二七粒去皮 紅娘子二七箇去翅足
砒霜一分別研 盆硝一分 黃蠟半兩 韶粉半兩
瀝青研各半兩 硫黃 黃丹各三 膩粉炒十
菘豆合 槐角三條 麻油兩 亂髮雞子大一兩
右用油煎令髮化次下紅娘子次下巴豆槐角等

逐味下焦者瀉出方下硫黃盆硝及丹粉等以篋子不住手攪令勻滴水成珠為度用時先將針輕手刺瘡核用藥一粟米大放針處次日擠瘡有黑臭膿血出三兩日血漸少次服去毒丹

去毒丹

赤芍藥 甘草 滑石各半兩 巴豆去皮炒別研後入
黑牽牛一兩半生半炒 朴消 大黃一分
右為末麵糊丸菘豆大臨卧時服十五丸金銀薄荷湯下加至二十九次服甘草散

甘草散

甘草 滑石各半 山豆根一兩 大黃一分

右為末每服一分蜜熟水調下日二服次服解毒丸

解毒丸

苡蔞根兩三 甘草半兩 大黃一分 朴消一分

右為末麵糊丸如菘豆大每服二十九至三十九

白湯下次服福神丹

福神丹

訶子四個 巴戟炒 黑牽牛生各半兩 甘遂生三錢

赤小豆四十九粒

右為末麵糊丸如菘豆大每服十丸至十五丸薄苛湯下次用水膏藥

水膏藥傳貼破處及面脚上瘡令生肉

陳皮去灰土半斤 炒紫色 陳麥米半升 炒紫 藿香

馬蹄香各一兩 麝香一分

右同為末入麝香用冷水調掃傳瘡上有膿處如損破即煎槐枝湯洗再上藥此方乃倪處士秘傳曾用有驗大要病人須能如法將息理會敬而信之

通天再造散治大風惡疾

鬱金 半兩 大黃 一兩 白牽牛 六分半 皂角刺 一兩 炮經

右為末每服五錢日未出而東以無灰酒下盡量
為度晚利黑頭小虫病稍輕者止利如魚腸臭穢
物忌毒半月但食稠粥軟飯漸生眉毛皮膚如常
甚者不過三兩次須將理不可妄有勞動及終身
不得食牛馬騾驢等肉犯者死不救

二濟丸治如前

當歸 熟地黃 川芎 荊芥穗 各二兩
防風 細辛 各一兩 桂心 一分
右為剉散先以醋一升浸一宿漉出焙乾再以生

地黃一斤搗汁浸一宿焙乾酒一升浸一宿焙乾
旋入乳香半兩以餘酒醋地黃汁釋蒸餅為丸如
梧子大用好川烏頭一个炮裂剉荊芥穗半兩浸
酒三升旋温下藥五十九


八葉湯淋瀝大風瘡

桑葉 荷葉 地黃葉 皂角葉 弱葉
蒼耳葉 菖蒲葉 何首烏葉
右等分臚乾燒存性為末如面藥洗手面身體

料簡

大風惡疾瘡癢茶毒膿汁淋漓眉鬢墮落手足指脫

頑痺痛痒顏色枯痒鼻塌眼爛齒豁唇揭病證之惡
無越於斯負此病者百無一生猶且愛戀妻孥復著
名利不仁之行仍欲更作死而無悔深可悲傷九遇
此疾切須斷鹽及一切口味公私世務悉宜屏置能
不交俗事絕慶弔幽隱林下依法治療非但愈疾亦
能因是而至神仙所謂因禍而得福也



三因極一病證方論卷之十五

文化乙未

